



## Publicaziuns dalla vischnaunca, jamna 23

### Damonda da baghegiar

**Nr. 2010-1018/02**

**Datum da publicaziun:** ils 11 da zercladur 2010

**Il patrun:** Pendicularas Mustér SA, Via Acletta 2, 7180 Disentis/Mustér

**Il representant:** Pendicularas Mustér SA, Via Acletta 2, 7180 Disentis/Mustér

**Object:** Midada dil project per spazzar il baghetg existent «tipi» e reconstruir in niev baghetg da restauraziun, parcella nr. 2539, Gendusas, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 7-6-2010

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

**Nr. 2010-1024**

Gisela Bigliel e Robert Bigliel-Warenberger, Via da Scola 3, 7180 Disentis/Mustér; sanaziun dalla casa cun construcziun da duas cucheras, construcziun d'in suttetg per vehichels, parcella 694, Via da Scola 3, 7180 Disentis/Mustér.

**Nr. 2010-1027**

Martin Flepp, Via Clavaniev 3, 7180 Disentis/Mustér; spazzar il baghetg d'economia, parcellas 1423 e 1052, Via Clavaniev 4, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 8-6-2010

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2010-2064**

Leci Candinas, Via Alpsu 23, 7180 Disentis/Mustér; manteniment dils contuorns dil baghetg d'economia, parcella 2402, Vitgava, 7183 Mumpé Medel.

**Nr. 2010-2065**

Michel Andriuet, Via Sontga Gada 16, 7180 Disentis/Mustér; adattaziun dil parcadi e sanaziun dalla cuvrida, parcella 2853, Via Sontga Gada 16, 7180 Disentis/ Mustér.

**Nr. 2010-2066**

Pendicularas Mustér SA, Via Acletta 2, 7180 Disentis/Mustér; remplazzar ina scala sil parcadi, parcella 1657, Via Acletta 2, 7180 Disentis/Mustér.



**Nr. 2010-2067**

Pauli ed Irena Albin-Loretz, Via Acletta 15, 7180 Disentis/Mustér; cunfinar il cunfin denter la via da quartier Via Plauns e la piazza privata sin parcella 2361, Via Acletta 15, 7180 Disentis/Mustér.

**Nr. 2010-2068**

Urs Manser, Via Muschnas 1, 7186 Segnas; engrondaziun dil plaz da seser, parcella 386, Via Muschnas 1, 7186 Segnas.

**Nr. 2010-2069**

Pleiv Sogn Gions, 7180 Disentis/Mustér; curtin da crappa entuorn casa pervenda, parcella 760, Via Sogn Gions 8, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 8-6-2010  
*Uffeci da baghegiar Disentis/Mustér*

---

**Elecciuns cantunalas e circuitalas e votaziuns communalas**

L'urna principala en casa communal ei aviarta sco suonda:

Venderdis, 11-6-2010 16.00–17.15  
Sonda, 12-6-2010 8.30–19.30  
Dumengia, 13-6-2010 9.00–11.00

Plinavon ei l'urna a **Segnas** aviarta sonda u dumengia **mes'ura avon il survetsch divin**.

La documentaziun per las votaziuns duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 11 da zercladur 2010 allas 17.00**, tier l'administraziun communal, tel. 081 920 36 36.

**Levgiament da votar**

Mintga votant(a) ha la pussevividad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar **suttascret** en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (**supplicau da francar**) ni directamein fierer en la scaffa da brevs dalla casa communal.

Ils cedels da votar ston esser sil pli tard la sonda, ils 12 da zercladur 2010 allas 12.00 tier l'administraziun communal.

Il certificat dil dretg da votar ei da suttascriber. **Senza Vossa suttascripziun cun agen maun ei la votaziun nunvaleivla.**

**Substituziun ei buca lubida.**

*Suprastanza communal Disentis/Mustér*

---



### **Sanaziun dalla casa communal Votaziun communal dil 13 da zercladur 2010**

La casa communal ei vegnida erigida avon gleiti 50 onns. Ella duei era survir vinavon sco center dall'administraziun communal. Perquei drova ella ina sanaziun e renovaziun.

La suprastanza communal ha la cumpetenz da realisar la sanaziun exteriura per la summa da frs. 480 000.– (stada suttamessa al referendum facultativ). Suenter ina nova examinaziun eis ei semusau ch'igl edifices ha aunc autras munconzas. Denter auter ein las installaziuns electricas munglusas. Il scaldament sto vegnir remplazzaus en dus onns. Il mobiliar ei per part ina collecziun d'acziuns. Per remplazzar il scaldament havess il cussegl da vischnaunca la cumpetenz da decider ed il mobiliar savess vegnir incorporaus el preventiv annual.

La suprastanza communal, la cumissiun da gestiun ed il cussegl da vischnaunca ein denton sedecidi da far meisa schubra ed intergrar tut quellas lavurs en in sulet pachet. Cheutras s'augmenta il credit lubiu per frs. 300 000.–. Perquei vegn la sanaziun dalla casa suttamessa alla votaziun dil pievel. Ei setracta d'ina investiziun per ils proxims 30 onns. En quei credit ein tut las expensas ligiadas cun la sanaziun e renovaziun dalla casa communal cuntenidas. La finanziaziun vegn levgiada entras las entradas buca prevedidas ord la vendita dall'energia da participaziun. Cheutras ston ins buca duvrar daners da taglia per quella restauraziun.

El medem mument san vischins e vischinas decider, schebein els vulan mantener las sculpturas vid la fatschada dalla casa communal.

### **Recumandaziun**

**Il cussegl da vischnaunca – en concordanza cun la suprastanza communal e la cumissiun da gestiun – recumandan unanimamein a vischins e vischinas da conceder il credit total da frs. 780 000.– per la sanaziun e renovaziun dalla casa communal.**

*Suprastanza communal e cussegl da vischnaunca*

---

### **Hans Huonder seretila dall'activitad politica**

Gerau Hans Huonder ha communicau alla suprastanza communal, ch'el giavischi da seretret dalla suprastanza communal per la fin digl onn 2010. Il demissiunont appartegn dapi 2002 alla excecutive communal ed ei dapresent era vicepresident dalla vischnaunca da Mustér.

Sco Hans Huonder menziunescha detti ei adina dapli conflicts d'interess denter sia viva activitad politica e sia occupaziun professiunala. Plinavon vul el impunder dapli temps per sia famiglia ch'el hagi stuiu negligir durant siu engaschi politic da varga 20 onns. In ulteriur motiv pertucca las elecziuns communalas digl onn 2012. Cun ina elecziun enteifer la perioda d'uffeci ei da quintar che la ruptura seigi lu meins gronda. Cun satisfacziun constatescha gerau Hans Huonder, che entras las differentas adattaziuns dallas structures communalas funcziuneschien ils secturs e menaschis enteifer siu departament fetg bein e ch'el sappi surdar menaschis bein organisai.

La suprastanza communal ha priu enconuschientscha da quella demissiun, ch'ella deplorescha grondamein. Las autoritads communalas han denton era capientscha per la situaziun persunala da siu zun apprezziau commember ed engrazia ad el cordialmein per sia gronda lavur, per siu engaschament cumplein e per l'amicabla collaboraziun e buna collegialitad.

La suprastanza communal ha fixau prevedentamein l'elecziun per la successiun sin dumengia, ils 26 da settember 2010 sut la resalva ch'ei hagi liug il medem mument ina votaziun cantunala ni federala.

Disentis/Mustér, ils 4-6-2010  
*Suprastanza communal*

---



### Onn da scola 2010/11

Preziai geniturs ed affons

Ils uraris da scola ed igl urari dils transports per il proxim onn da scola 2010/11 ein d'anflar naven d'immediat sin la homepage dalla scola ([www.disentis.ch/scola](http://www.disentis.ch/scola)).

En num dil Cussegl da scola e dil Cerchel scolastic engrazieli a Vus per la buna collaboraziun durant igl onn da scola che va alla fin e giavischel a Vus tuts bialas vacanzas da stad.

*Vigeli Jacomet, meinascola*

---

### Radunonza generala dils possessurs da dretgs e pursanavels dallas alps Russein-Cavrein Mustér

Sonda, ils 12-6-2010 allas 20.15 ella ustria Cresta a Segnas.

---

### Saltar per giuventetgna

A giuvens e giuvnas da 16–25 onns, che han plascher da saltar a moda moderna sco hip-hop, streetstyle ed auters stils, dein nus la pusseivladad da far quei:

#### **Cuors 1**

**Cuoz:** 5 da settember 2010 tochen mezz avrel 2011

**Di:** mintgamai dumengia

**Temps:** 16.00–18.00

**Liug:** Halla Cons/Mustér

**Menadra:** Bianca Bundi

#### **Cuors 2:**

**Cuoz:** 8 da schaner tochen mezz avrel 2011

**Di:** mintgamai sonda

**Temps:** 14.00–16.00

**Liug:** Sala Fontauna (local da spiaghels)

**Menadra:** Morgenthaler Manuela

**Infos ed annunzias:** tel. 081 947 62 02 sur miezdi e las seras, ni e-mail: [fam.hendry@bluewin.ch](mailto:fam.hendry@bluewin.ch).

Pils Movis *Esther Hendry-Decurtins*

### Saltar per umens e dunnas

Ad umens e dunnas da 25 onns ensi, che han plascher da saltar a moda moderna sco jazz, streetstyle ed auters stils, dein nus la pusseivladad da far quei:

#### **Cuors 25+**

**Cuoz:** 5 da settember 2010 tochen mezz avrel 2011

**Di:** mintgamai gliendisdis

**Temps:** 19.30–20.30

**Liug:** Halla Cons/Mustér

**Menadra:** Els Giger

**Infos ed annunzias:** tel. 081 947 62 02 sur miezdi e las seras, ni e-mail: [fam.hendry@bluewin.ch](mailto:fam.hendry@bluewin.ch).

Pils Movis *Esther Hendry-Decurtins*



**Uniun da catschadurs Péz Alpetta  
*salvament d'anseuls cavriel***

Preziai purs

Ussa ei puspei il temps che las cauras cavriel fan ansiel. Stedi setegnan ellas si cun lur anseuls en praus che vegnan segai. Aschia vegnan mintga onn anseuls per la veta entras maschinas da segar. Cun pign engaschi san ins evitar quei.

Purs che fan fein en loghens nua che cavreuls setegnan si, ein supplicai da s'annunziar tier nus in di avon che segar. Aschia savein montar bandieras. Entras il disturbi da quellas prendan las cauras ils anseuls ord il prighel.

Annunzias saveis far tier il cau da tgira sut tel. 079 397 35 54.

Bien engraziament per Vossa collaboraziun.

*Uniun da catschadurs Péz Alpetta:  
il cau da tgira*

---

**UHC Desertina Bulls  
Swiss Mobilier Cup 2010/11**

1/128 Finals

**Sonda, ils 12 da zercladur**

UHC Desertina Bulls (3GF) – UHC Nesslau Sharks(2GF) allas 18.00 el Center da sport, Disentis/Mustér

---

**PCD Mustér**

Invitaziun ad ina sentupada culs candidats dalla vischnaunca da Mustér. Dumengia, ils 13 da zercladur naven dallas 19.00 el hotel Furka.

Cordial beinvegni  
*PCD locala*

---

**Cussegl Pastoral/cerchel sozial-caritativ**

Nus envidein en senioras e seniors da Mustér da vegnir sin viadi **gievgia, ils 24 da zercladur 2010**.

**Nossa destinaziun:** Viseta en la catedrala renovada a Cuera, gentar el segneradi da Lichtenstein.

Annunzias ein da far entochen ils 20 da zercladur 2010 cun pagar frs. 60.– tier la banca Raiffeisen Mustér. Leu survegnis era il program detagliau.

Nus selegrein sin quei viadi en Vossa cumpagnia.

---



**Ludoteca Mustér**

**Liug/Ort: Halla Cons, tel. 076 494 39 92**

**e-mail: ludoteca@disentis.ch**

**Uras d'avertura / Öffnungszeiten:**

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

*Vies team dalla ludoteca*

**Sera da giugs en ludoteca**

Venderdis, ils 11 da zercladur envida la ludoteca ad ina sera da giugs naven dallas 20.15 entochen allas 22.00. Ils pli novs giugs, gest cumpari sin fiera, ein arrivai en ludoteca.

Vegni, mirei e giughei cun nus. Nus selegrein da vossa viseta.

*La squadra dalla ludoteca*

---

**Biblioteca populara, Mustér**

**Liug: Casa da scola, tel. 081 947 52 90, [biblioteca@disentis.ch](mailto:biblioteca@disentis.ch)**

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

**La biblioteca ei aviarta:**

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

*Biblioteca populara Mustér*

---